





印史卷之一

秦始皇至哀平新莽

得二百二十六人

古吳何通不違



李斯之印


李斯上蔡人也從荀卿學帝王之術相秦始皇滅六國於時文字異形莫相統紀乃參古文複篆籀書頗加省改作倉頡篇九章及篆嶧山諸碑誦秦功德是為小篆後學宗之



公孫鞅印

公孫鞅事魏相公叔痤座謂惠王曰鞅奇才不用必殺之母令出境公叔死鞅為秦相秦國富彊襲虜魏太子邲破其軍惠王獻河內地曰恨不殺鞅也破魏還封商君

御書藏





白起之印

白起鄆人也為秦將伐韓取上黨破長平軍韓趙恐說應侯請許和後使王陵攻邯鄲少利強起固稱病秦王賜劍自裁起曰我抗趙卒四十萬固當歿



蒙恬

蒙恬其先齊人因家世得為秦將秦并天下使蒙恬將十萬眾北逐戎狄築長城起臨洮至遼東延袤萬餘里暴師十餘年威振匈奴始皇崩趙高矯詔賜死



王翦

王翦少好兵事事始皇攻趙趙王降攻燕燕王並走遼東盡定燕趙地始欲取荆翦曰非六十萬不可始皇疑其怯及李信軍敗悉國中兵竟平荆地為郡縣



范雎之印

范雎魏人也字叔從須賈使齊齊王賜雎金及牛酒須賈歸告魏齊擊雎折脅捐齒雎佯死得出更姓名張祿入秦昭王拜為相魏齊自刎趙王取其頭與秦



蔡澤之印



荆軻之印

蔡澤燕人也聞范雎任鄭

安平王稽皆負重罪於秦

應侯內慙澤乃入秦使人

宣言欲代雎相雎召澤入

大義說應侯謝歸相印應

侯從之昭王拜蔡澤為相

荆軻衛人也燕丹欲報秦

王田光言于荆卿荆卿許

諾軻至秦獻地圖圖窮而

匕首見王驚起袖絕拔劍

斷軻左股軻引匕首擲王

不中倚柱而笑箕俛以罵

於是左右遂前殺軻



伏生



田光

伏生名勝濟南人也為秦

博士始皇禁書伏生壁藏

之後漢興求能治尚書者

天下無有從伏生求之得

其書二十九篇

田光燕太子客太子欲報


秦王謀于田光光造太子

曰荆卿可使也太子戒光


勿泄田光曰長者不使人

疑乃激荆卿曰願足下急

過太子言光已死遂自刎



上海圖書館藏
卷九
水
集
三
新
生
里
到
卷
表
半
天




聶政

聶政殺人避仇如齊濮陽嚴仲子與韓相俠累有郤至齊奉黃金百鎰為政母壽政以母在弗許也久之母死乃仗劍至韓刺殺俠累因自披面抉眼而死




呂不韋印

呂不韋陽翟夫買人也秦子楚質於趙不韋取邯鄲姬與居有身獻于楚生子政秦圍邯鄲趙欲殺子楚呂不韋謀脫赴秦立為莊襄王太子政立不韋為相



高漸離


高漸離與荆卿善秦併天下漸離變姓名為人傭善擊筑聞於始皇矐其目使擊漸離也始皇矐其目使擊筑稍近之高漸離乃置鉛筑中朴始皇不中被誅



東園公

東園公與丹里先生綺里季夏黃公皆河內軹人也或在汲俱脩道潔已非義不動始皇時見秦政虐乃退入商雒隱地肺山不事秦亦不事漢時人稱四皓云

知不足齋藏書




頁下相人力扛鼎才氣

綺里季見東園公傳



綺里季



陳勝之印

陳勝陽城人與吳廣皆為屯長戍漁陽會天雨失期謀曰等死耳死則舉大名乃與廣殺尉召徒屬聚卒萬人入據陳立為王諸郡縣苦秦吏暴皆殺其長吏以應勝




項羽之印



蒯通

項羽下相人力扛鼎才氣過人始皇游會稽羽曰彼可取而代之也二世元年陳勝起羽斬會稽守得八千人渡江滅秦自立為西楚霸王與漢王相距卒為漢所滅蒯通范陽人也以相術說韓信鼎足而王信不聽後被誅悔不用其言高帝召通欲烹之通曰秦失其鹿天下共逐之高材者先得天下匈匈可殫誅乎上乃赦之





范增私印



曹丘生

范增居鄴人年七十好奇

計說項梁立楚後梁歿屬

項羽沛公謝羽鴻門范增

勸羽殺沛公羽嘿然不應

羽怒曰吾屬將為沛公虜

矣願賜骸骨歸行未至彭

城疽發背死

曹丘生辨士也與竇長君

善季布寄書諫勿與通及

曹丘生歸固請得長君書

往揖布曰僕與足下俱楚


人使僕游揚足下名于天

下顧不美乎何足下拒僕

之深也布乃大說引為上客



蕭何



叔孫通印

蕭相國何者豐人也從沛

公入咸陽獨先收秦律令

圖書上數失軍絕餉何興

卒轉漕補其缺論功第一

封鄼侯嘗與曹參有隙臨

卒獨舉參代相人服其公

叔孫通薛人也為秦博士

降漢服儒服上憎之乃變

短服及群臣爭功醉呼拔


劍擊柱通乃為上起朝儀

無敢喧譁失禮者帝曰吾


乃今日知皇帝之貴也拜

通為奉常

浙東圖書館藏



東立 易武人子黃龍之什



張良



趙堯私印

張良佐高帝滅秦定天下

封留侯廼稱曰家世相韓

及韓滅不愛萬金之資為

韓報讐彊秦天下振動今

以三寸舌為帝者師此布

衣之極也願棄人間事從

赤松子游耳

趙堯為符璽御史趙人方

與公謂周昌曰趙堯奇才


必代君之位昌笑曰堯年

少刀筆吏耳何能至是後


周昌為趙相高祖持御史

大夫印弄之曰無以易堯

遂拜堯為御史大夫



陳平之印



曹參

陳平陽武人好黃老之術

雖席門窮巷門多長者車

轍魏無知薦於漢王六出

奇計拜相交周勃謹誅諸

呂平之力也平始曰我多

陰謀世即廢卒如其所云

曹參沛人也佐漢破秦累

功封平陽侯蕭何卒參命


舍人趣治行吾將入相果


召參舉事悉遵何約束時

有清靜寧一之歌

六
日
身

浙東圖書館藏






周勃之印




婁敬印

絳侯周勃者沛人也爲人重厚少文多戰功嘗將北軍以滅諸呂文帝卽位拜右丞相有上書告勃欲反下廷尉逮捕治之勃啣怨日爲之蝕帝使使持節赦之

婁敬齊人也說漢都關中拜爲郎漢七年諫勿擊匈奴上怒械繫廣陵後果被圍赦敬曰吾悔不用公言以困平城乃拜爲建信侯時單于兵強說帝結和親之約識者少之



酈食其印



韓信之印

酈食其自稱高陽酒徒咤沛公欲誅無道秦不宜踞見長者于是沛公延食其上座謝之爲漢說田廣罷歷下兵韓信妒其憑軾下齊七十餘城乃夜襲齊廣以爲賣已烹食其

韓信淮陰人嘗寄漂母食受跨下辱歸漢蕭何薦爲大將滅楚封王報恩釋怨終不忍背漢因帝襲信赦爲淮陰侯羞與絳灌等列說陳豬畔爲呂后給斬之





陸賈之印



劇孟

陸賈楚人也以客從高祖

定天下名有口辨使封尉

佗為南越王報如約拜為

大中大夫賈時時前稱說

詩書上令著秦漢所以興

敗之由書奏未嘗不稱善

稱其書曰新語

劇孟洛陽人以俠顯吳楚

反時條侯至河南得孟喜

曰吳楚舉事而不求劇孟

吾知其無能為已孟行大

類朱家母歿自遠方送喪

蓋千乘及孟死家無十金

之財



朱建



季布

朱建楚人也為人辨刻辟

陽侯得幸呂太后惠帝怒

欲誅之辟陽侯嘗奉百金

為建母祝建乃說帝幸臣

閔籍孺出之孝文時聞建

為其策使吏逮捕遂自剄

季布任俠有名楚諺曰得

黃金百斤不如季布一諾

項籍使將兵數窘帝籍滅

漢求布急廼髡鉗賣匿魯

朱家朱家說滕公為上言

赦布拜中郎時多布能摧

剛為柔焉

御書藏





季心



魯朱家

季心季布弟也氣蓋關甲
遇人恭謹為任俠方數千
里士爭為死是時季心以
勇布以諾聲聞關中

朱家魯人高祖同時用俠
聞所藏活豪士以百數然
終不伐其能飲其德專趨
人之急既陰脫季布之厄
及布尊貴終身不見自關
以東莫不延頸願交焉



高堂生



申屠嘉印

高堂生魯人與高祖同時
漢興傳士禮十七篇而魯
徐生善為頌徐生以頌為
禮官大夫以後諸言禮為
頌者由徐氏

申屠嘉梁人也以材官蹶
張從高祖擊項籍遷隊率
文帝求高祖大臣無餘者
乃以嘉為相時鄧通方愛
幸嘉入朝通居上旁有怠
慢禮嘉為檄召通責讓之
上使使謝焉



一
日
五
八
也
故
有
言
自
盤

一
灌
嬰
雖
陽
販
繒
者
也
携
劍



周昌之印

周昌沛人也敢直言自蕭曹等皆卑下之嘗燕入奏事帝方擁戚姬昌還走帝逐得騎昌項問曰我何如主也昌仰曰陛下即桀紂之主也于是上笑然尤憚昌



樂布

樂布始與彭越游窮困為酒人保越去布為人所略賣為奴於燕後為臧荼將漢擊燕虜布彭越請贖布為梁大夫及漢梟彭越頭于雒陽布祠而哭之請就烹上義釋之後封俞侯



灌嬰

灌嬰睢陽販繒者也携劍推鋒從高帝墾菑除害耘鉏海內賜爵列侯號昌文侯與絳侯共立文帝于是為太尉絳侯免相嬰為丞相後歲餘薨謚曰懿侯



紀信之印

紀信為漢將楚圍漢王榮陽紀信曰事急矣臣請誑楚于是陳平夜出女子二千餘人信乃乘王車黃屋左纛曰食盡漢王降楚楚皆之城東觀以故漢王得出西門遁羽燒殺紀信





樊噲之印



王陵

樊噲沛人從沛公入關項

羽欲殺沛公微噲譙讓羽

沛公幾殆以功封舞陽侯

上嘗病詔無得入群臣噲

乃排闥直入見獨枕宦者

臥泣曰陛下獨不見趙高

之事乎帝咲而起

王陵沛人也以兵屬漢封

安國侯陵少文任氣好直

言惠帝崩高后欲王諸呂

陵曰高帝刑白馬而盟曰


非劉氏而王者天下共擊

之今王呂氏非約也尋以

病免相



歐陽生



張蒼之印

歐陽生字和伯千乘人從

兒寬受尚書世世相傳至

元帝時孫地餘官至少府

張蒼陽武人也從沛公攻

南陽當斬解衣伏質身長

大肥白如瓠王陵見而怪

其美士勸沛公赦之後為


相父事陵于書無所不通

尤邃律歷故漢家言律歷

者皆本蒼



司亞夫勅欠子封條矣也




毛公




酈商之印

毛公趙人也治詩為河間獻王博士授同國貫長卿長卿授解延年延年授徐敖由是言毛詩者本之徐敖

酈商高陽人以兵屬沛公略地封曲周侯子奇與呂祿善祿將北軍周勃等欲誅諸呂不得入乃劫商令寄給祿出游勃乃得據北軍遂誅諸呂商薨謚曰景侯



周亞夫印



田叔

周亞夫勃次子封條侯屯兵細柳上自詣營勞軍號令嚴肅帝改容稱謝曰真將軍也向者灞上棘門軍如兒戲耳其將固可得而虜也若亞夫者其可犯耶

田叔井陘人事趙王張敖漢詔捕敖反敢隨者辜三族唯叔等十餘人自髡鉗隨敖詣闕後事自上召與語漢廷臣無出其右者拜魯王相使王自償民財以彰其遷善云



文命畫工人以部縣吏察



丁寬



張釋之

丁寬字子襄梁人也為梁項生從者學易於田何學成東歸何謂門人曰易以東矣景帝時寬事梁孝王號丁將軍作易說三萬言寬授同郡田王孫由是有施孟梁丘之學

張釋之字季南陽人以貴為郎袁盎請為謁者上言便宜事文帝稱善拜為公車令太子與梁王共車入朝不下司馬門釋之追止劾奏帝奇之拜為廷尉持議平朝廷重焉



文翁





賈誼之印

文翁廬江人以郡縣吏察舉為蜀郡守選郡縣小吏開敏者詣京師受業建學官於成都招下縣子弟為學官弟子繇是大化蜀地至武帝乃令郡國皆立學校自文翁始

賈誼洛陽人年少通諸家之書文帝召為博士超遷至中大夫所言三代與秦治亂之意甚通達國體而為庸臣所擠出為長沙太傅以天年早終雖不至公卿亦未為不遇也

7



目

五

馬善代人文帝時為郎帝



賈山之印

賈山潁川人涉獵書記不能為醇儒孝文時言治亂之道借秦為喻名曰至言其後文帝除鑄錢令山復上書諫言多激切善指事意故其後復禁鑄錢云




路溫舒印

路溫舒字長君鉅鹿人也父為里監門使溫舒牧羊溫舒取澤中蒲截以為牒編用寫書學律令通春秋守廷尉史上書言宜尚德緩刑上善其言遷廣陽私府長



馮唐私印

馮唐代人文帝時為郎帝曰吾獨不得頗牧為將豈憂匈奴哉唐曰陛下雖得頗牧不能用也魏尚為雲中守坐上功陛下下之吏故雖得頗牧亦不能用帝即日赦尚拜唐為都尉



枚乘之印

枚乘字叔淮陰人為吳王郎中吳王謀為逆乘切諫吳王不用乘言卒見禽滅漢既平七國乘由是知名景帝召為弘農都尉不樂郡吏以病去官武帝即位以安車蒲輪徵道死






韋孟



貫高之印

韋孟鄒人也家本彭城爲
楚元王傅傳子夷王及孫
王戊戊荒淫不遵道孟作
詩諷諫後遂去位徙家于
鄒至五世孫韋賢宣帝時
爲丞相封扶陽侯

貫高故張耳客相趙王張
敖見帝慢敖乃與趙午等
謀殺帝不成後上併逮捕
趙王貫高至對獄曰獨吾
屬爲之王實不知上乃赦
趙王併赦高高曰今王已
出死不恨矣遂仰絕肱死



田何之印



施讐


自魯商瞿子木受易孔子
五傳至齊田何及秦禁學
易經筮卜之書獨不禁故
傳受者不絕也漢與田何
以齊田徙杜陵號稱杜田
生

施讐字長卿沛人也從田
王孫受易梁丘賀爲少府
薦讐結髮事師數十年賀
不能及詔讐爲博士甘露
中與五經諸儒雜論同異
于石渠閣張禹彭宣皆受
學焉



五...
長...
即...
...
...

鬼錯
頰川人學申
韓刑名



孟喜



胡母生

孟喜字長卿蘭陵人從田
王孫受易好自稱譽得易
家侯陰陽災變書言師歿
時獨傳之喜舉孝廉為郎
博士缺衆薦喜上聞喜改
師法遂不用

胡母生字子都齊人也治
公羊春秋為景帝博士與
董仲舒同業年老歸教於
齊齊之言春秋者宗事之
公孫弘亦頗受焉



晁錯之印



轅固

晁錯潁川人學申韓刑名
為太子家令號曰智囊景
帝即位請諸侯之罪過削
其支郡諸侯誼誹俱反以
誅錯為名上患之用袁盎
言腰斬錯東市悲夫錯雖
不終世哀其忠

轅固齊人也孝景時以治
詩為博士竇太后好老子
書召問固固曰此家人言
耳太后怒使入圈擊彘上
知固無罪假利兵下圈刺
彘太后默然上以固廉直
拜清河太傅疾免



鄒郡可東人為濟南中

張翥漢中人使月氏匈奴



郅都



孔僅私印

郅都河東人爲濟南守勇

敢誅殺豪猾公廉不發私

書遷中尉嚴酷奉法列侯

宗室側目而視號曰蒼鷹

拜鴈門太守匈奴竟都死

不近鴈門竇太后以臨江

王事怒而斬都

孔僅南陽太守咸陽齊之

大煮鹽皆致生累千金鄭

當肯進言之以二人爲大

農領鹽鐵事置塩鈇官有


敢私鑄鐵器鬻塩者鈇左

趾没入其器除故鹽鐵家

富者爲吏



張騫



桑弘羊

張騫漢中人使月氏匈奴

得之予妻有子騫持節亾

鄉月氏還拜大中大夫封

博望侯出右北平擊匈奴

後期當斬贖爲庶人後二

年拜中郎將使烏孫還卒

桑弘羊洛陽賈人子以心

計年十三侍中言利事折

秋毫元封元年爲治粟都

尉盡代僅幹天下鹽鐵計

天下之貨賤買貴賣民不

益賦而天下用饒於是弘

羊賜爵左庶長






東方朔印



韓安國印

太史公贊曰應諾似優不窮似智正諫似直穢德似隱首陽爲拙柱下爲工飽食安步以仕易農依隱玩世詭時不逢其滑稽之雄乎

韓安國字長孺梁人事梁爲中大夫吳楚反時孝王使安國及張羽捍兵於東界吳楚破安國由此顯名漢使使者拜安國爲梁內史武帝卽位拜御史大夫



兒寬




王先生

兒寬千乘人家貧賃作帶經而鋤以射策補廷尉文學卒史廷尉有疑奏再見卻寬代爲奏卽得可上知寬所作奏乃以寬爲椽後拜御史大夫從東封太山

王先生齊人也多奇計梁孝王坐事恐誅令鄒陽往見語其事王先生曰子行往見王長君必能爲子謀矣陽徑至長安見王長君長君王美人兄也乘間入而言之梁事果不治

御書藏



及諸字長
得僕場人爲

公孫弘
薛人也
牧豕海上




汲黯私印

汲黯字長孺濮陽人爲中大夫以數切諫不得久留內遷東海太守歲餘東海大治召爲主爵都尉列於九卿上曰古社稷臣如汲黯近之矣後與諸侯相秩守淮陽十歲而卒



趙充國印

趙充國字翁孫隴西人充假司馬從貳師擊匈奴潰圍陷陳武帝拜爲中郎將獲西祁王擢爲後將軍宣帝卽位封營平侯先零侵漢用充國屯田多斬首獲降秦罷屯兵薨謚壯侯



公孫弘印

公孫弘薛人也牧豕海上年四十學春秋六十餘徵賢良對策第一每奏事順旨元朔中爲丞相封平津侯位在三公爲布被脫粟之飯其節儉有足多者



董仲舒印

抑抑仲舒再相諸侯自修國治致仕縣車下帷覃思論道屬書倘言訪對爲世純儒





李廣私印



蘇建

李廣隴西人善騎射為郎

騎常侍文帝曰廣惜不逢

時當高祖世萬戶侯豈足

道哉廣歷七郡太守與匈

奴七十餘戰而官不過九

卿廣曰吾常殺已降其不

得侯或以此

蘇建杜陵人也以校尉從

大將軍擊匈奴封平陵侯

其後為代郡太守卒於官

有三子中子武最知名



李陵



蘇武

李陵字少卿武帝以為有

廣之風將步卒五千橫行

匈奴抑師數萬轉鬪千里

矢盡道窮以無救而敗身

雖降虜然終身不隨匈奴

侵漢而漢竟族陵家母弟

妻子皆伏誅

蘇武字少卿建之子以中

郎將持節使匈奴脅降不

屈幽武大窖中齧雪咽糞


數日不死匈奴神之乃徙

海上牧羊節旄落盡凡十

九載得還拜典屬國圖形

麒麟閣

御書藏



新青平陽人本鄭姓少弱

霍去病大將軍姊少兒之




衛青

衛青平陽人本鄭姓少時
父使牧羊有鉗徒相青貴
至封侯青笑曰人奴之生
得無笞罵足矣後拜大將
軍威震雲中上谷撫士有
恩遇賢以禮累功封長平
侯



司馬談印

司馬談絳州龍門人談仕
於建元元封之間為太史
公掌天官不治民以留滯
發憤且卒而不及論載
當世人物是懼後其子遷
為太史公述其事乃悉論
先人所次舊聞不敢闕



霍去病印


霍去病大將軍姊少兒之
子也為人寡言善騎射凡
六擊匈奴皆奏捷封驃騎
將軍上嘗為治第謝曰匈
奴未滅何以家為上益重
之



司馬遷

嗚呼史遷薰胥以刑幽而
發憤迺思迺情錯綜群言
古今是經勒成一家大略
孔明

御書藏



王父屢齊人也焉布衣時

徐樂莊郡無終人也武帝




主父偃印

主父偃齊人也為布衣時諸儒擯不容於齊家假貸無所得元光中上書朝奏暮召見拜為齊相曰吾貧時昆弟不收賓客棄我願諸君母入偃之門後齊王自殺遂族偃



嚴安之印

嚴安者臨菑人以故丞相史上書曰臣聞鄒子曰政教文質者所以云救也當時則用過則舍之有易則易之故守一而不變者未覩治之至也其辭亦美




徐樂

徐樂燕郡無終人也武帝時上土崩瓦解一書其言隱而危其詞微而婉同時主父偃一歲四遷嚴安雖不用而為騎馬令至樂竟不見用



朱買臣印

朱買臣字翁子吳人也家貧負薪歌謳道中妻求去買臣曰我五十當富貴報女妻恚不能留後數年為會稽太守妻自經受詔擊東越有功徵入為主爵都尉到於九卿後坐事誅



可馬用印字長卿著王季

卓文君臨印富人卓王孫



司馬相如



枚臯

司馬相如字長卿著子虛賦上讀而善之曰朕獨不得與此人同時哉楊得意曰臣邑司馬相如為之上驚召拜為中郎將使西南夷太守郊迎縣令先驅蜀人以為寵

枚臯字少儒乘孽子年十七上書梁共王召為郎以纒遇罪家室沒入會赦至長安上書自陳枚乘之子上得之大喜拜為郎作賦受詔輒成自言不如相如然善于東方朔云



卓文君



鄭當時印

卓文君臨邛富人卓王孫女也新寡好音相如時車騎雍容閒雅甚都及飲卓氏弄琴文君從戶窺心悅之恐不得當也既罷相如結侍者通殷勤文君夜亡奔相如

鄭當時字莊陳人也以任俠自喜脫張羽於厄聲聞梁楚其慕義恐不稱其知友皆大父行天下名士武帝曰吾聞鄭莊行千里不齎糧治行官至大司農卒家無餘財





終軍



鄒陽

終軍字子雲濟南人年十

八為博士步入關關吏與

軍繻軍弁繻曰大丈夫西

游終不復傳還後出使南

越自請願受長纓必羈南

越王致之麾下歿年二十

餘

鄒陽齊人也仕吳以文辨

著名吳王不納其言去之

梁從孝王游以讒見禽恐

死而負累乃從獄中上書

詞雖不遜然其比物連類

有足悲者孝王立出之卒

為上客



吾丘壽王



車千秋印

吾丘壽王字子憲趙人也

為東郡都尉賜璽書後徵

入為光祿大夫公孫弘禁

民不得挾弓弩壽王奏不

便弘誦服焉及群臣賀得

周鼎壽王獨曰漢鼎賜金

十斤

武帝時衛太子為江充所

譖千秋上急變訟太子寃

帝大感寤代劉屈氂為丞

相封富民侯千秋姓田氏

年老上優之得乘小車入

宮殿中故號車丞相



...

楊王孫孝武時人學黃老




嚴助




伍被印

嚴助會稽人舉賢良對策武帝善之擢為中大夫建元中聞越舉兵上使助諭意還拜會稽太守後淮南王反事與助相連竟棄市

伍被楚人或云子胥之後以材能稱為淮南中郎淮南王安招致英俊以百數被為冠首久之淮南陰有邪謀被數切諫至於流涕後事覺被詣吏自告與謀遂誅被



楊王孫印




胡建之印

楊王孫孝武時人學黃老之術厚自奉養生無所不致及病且終令其子以羸葬曰厚葬誠無益於死者而俗人競以相高靡財殫幣腐之地下吾將以矯世也

胡建字子孟河東人天漢中守軍正丞時監軍御史為姦建欲誅之當選士馬日御史列坐堂皇上建拜謁堂下乃約走卒上堂皇取斬之遂斬御史後上奏建繇是顯名





瑕丘江公



卜式之印

瑕丘江公治穀梁武帝時

江公與仲舒並江公口呐

不如仲舒而丞相弘亦本

公羊卒用董生詔太子受

公羊後太子私問穀梁而

善之宣帝即位議者復從

穀梁而穀梁天盛

卜式河南人家財盡與弟

脫身出牧羊致千餘頭買

田宅漢方事匈奴式願輸

家財助邊且言不願為官

天子賢之拜為郎擢為齊

相未幾遂拜御史大夫



韓嬰



夏侯始昌

韓嬰燕人也景帝時為常

山太傅以詩授人作內外

傳數萬言淮南賁生受之

燕趙間言詩者必曰韓生

武帝時與董仲舒論於上

前其人精悍處事分明仲

舒不能難也

夏侯始昌魯人也通五經

自董仲韓嬰死後武帝得

始昌甚重之始昌明於陰

陽先言栢梁臺災日至期

果災為昌邑王太傅以壽

終從子勝亦以儒顯名





雋不疑



杜延年

雋不疑字曼倩昭帝時為

京兆尹有一男子詣北闕

自謂衛太子詔使公卿雜

識視莫敢發言不疑後到

叱吏收縛送廷尉驗治竟

得姦詐天子嘉之名聲重

于朝廷

杜延年字幼公南陽人光

以延年明法律補軍司空


上官桀謀逆延年首發大

奸封建平侯議罷酒榷鹽


鐵昌邑廢勸光安世立宣

帝焉詔定策功比朱虛侯

云



傅介子



霍光

傅介子以駿馬監使大宛

詔責樓蘭龜茲至其國王

謝服還謂霍光曰樓蘭龜

茲常殺漢使願往刺其王

以威諸國乃與壯士至樓

蘭持王首還封義陽侯

霍光字子孟武帝病篤以

光為大將軍遺詔封博陸

侯昭帝即位政事決於光

昭帝崩迎立昌邑王賀行

淫亂廢昌邑而立宣帝益

封萬七千戶甲第一區





金日磾印



蔡義私印

金日磾字翁叔匈奴休屠

王太子也沒入宮養馬武

帝異之拜為馬監遷光祿

大夫以討莽何羅功封為

秬侯光薦日磾輔少主日

磾曰臣外國人毋使匈奴

輕漢

蔡義給事大將軍募府詔


求能為韓詩者義說詩甚

說之進授昭帝代楊敞為

相封陽平侯時年八十餘

行步偃僂或曰光置宰相

不選賢苟用可專制者



眭孟之印



蕭望之

眭孟字孟名弘少好俠長

乃變節明春秋為議郎至

符節令昭帝時有大石自

立臥木復生孟曰當有從

匹夫為天子者宜求賢禪

位霍光以為妖言惑眾伏

誅後宣帝興於民間

蕭望之字長倩東海蘭陵

人宣帝在民間聞望之名

對奏皆可累遷諫大夫宣

帝寢疾受詔輔政元帝即

位賜爵關內侯為恭顯所

譖飲鴆自殺天子驚憫曰


果然殺吾賢傳






王褒

王褒字子淵蜀人也侍詔
金馬門所幸官館輒為歌
頌詔作聖主得賢臣頌太
子喜褒所為甘泉及洞簫
頌令後宮貴人皆誦讀之
哀死上憫惜焉



夏侯勝印

夏侯勝字長公為博士太
夫昌邑嗣勝諫曰天久不
雨臣下有謀上者光安世
大驚白太后廢昌邑王立
宣帝賜爵關內侯後遷太
子太傅卒太后素服五日



劉向之印

劉向字子政本名更生宣
帝時與望之等同心輔政
屢為恭顯所譖免成帝卽
位顯等伏辜乃更名向著
洪範五行傳奏之天子心
知向精忠故為王鳳兄弟
起此論也位不過大夫



梁丘賀印

梁丘賀字長翁琅玕人從
京房受易更事田王孫宣
帝聞京房易求其門人得
賀以為郎以卜筮有應近
幸為給事中至少府為人
小心周密上信重之年老

終





浙江圖書館善本

登記號：003273

一九五八年四月十五日



宣統五年 貳月 念 陸日

0 1 2 3 4 5 6 7 8 9 10 11 12 13 14 15 16 17 18 19 20



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19 20

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



